

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

Diario


DI ARUBA

Bo Matutino
Netamente Arubiano

DIARANZON 30 OCTOBER 1985 AÑA 4, No. 1458

Caso PDA vs
Tele-Aruba
trata ayera
Decision ta cay awe

Proyecto di prison flotante lo ser presenta na Gobierno



Pruebanan exitoso pa trata AIDS logra na Francia

PARIS: Un equipo di me-
diconan frances cu exito
a purba un tratamiento
nobo contra AIDS.

Ta ser papia di progreso-
nan espectacular biologi-
co cu patientnan di prue-
ba.

E ministro frances di

asuntunan social a infor-
ma di esaki ayera.

E mediconan di hospi-
tal Laennec na Paris, a
entrega na e ministro un
rapport ayera cu e prome
resultadonan di e prueba-
nan.

Nan a enfatiza cu e

pruebanan sinembargo ta
den estadio di principio y
cu no por duna garantia
ainda pa un tratamiento
efectivo.

E metodo nobo ta cau-
sa cu lymphocitanan T-4
cu ta combati virus di
AIDS ta ser aumenta, pe-

ro no ta ser bisa con e
aumento aki ta tuma lu-
gar.

Patientnan di AIDS tin
escases di e lynfocitanan
segun un di e investigador
nan.

Segun e ministro e resul-
tadonan logra ta duna

speranza grandi di pro-
greso pa combati AIDS.

E testnan a ser haci te
awor serca un grupo chi-
quito di patient y lo por
dura algun luna mas pro-
me cu por tin e resultado-
nan final, pa por duna un
contestta fijo ariba com-
batimento di e malesa.



Dialuna atardi na warda di polis na San Nicolas, a tuma des-
pedida di tres agente policial, kende nan a ser translada pa
otro islanan den Antillas. Ta trata di Alfred "Churchill"
Marsdin, un agente eerste klas, kende ta un miembro ehem-
plar di cuerpo policial y alavez ta ser respeta pa hopi di es-
nan cu el a yega di aresta. Despues cu Sr. Marsdin a traha
straatdienst, el bay traha den departamento di recherche na
San Nicolas na aña 1978.

Un otro agente ta Sr. Jean Illidge, cu ta hoofdagent y alavez
hefe interino di recherche na San Nicolas. Sr. Illidge a ser
translada pa Isla Riba hunto cu Marsdin. Tambe Sr. David
Daal, di departamento di recherche di mucha, esta KZP, a
despedi di su coleganan. Sr. Daal a ser translada pa Curaçao.
Pa Sr. Illidge en especial tabata tin elogio ya cu e tin un re-
cord riba su nomber di a duna mas hopi proces verbal.
Presente na e ceremonia chiquito tabata tur coleganan di re-
cherche dept. di San Nicolas, Inspector Lucas Rasmijn, hefe
judicial di recherche nan y Sr. Mario Bergen, hefe di re-
cherche na San Nicolas.